

**Жауапкершілігі шектеулі серіктестік пен қосымша жауапкершілігі бар серіктестіктің үлгілік жарғыларын бекіту туралы**

*Күші жойған*

Қазақстан Республикасы Үкіметінің 1998 жылғы 21 қыркүйектегі N 928 Қаулысы . Күші жойылды - Қазақстан Республикасы Үкіметінің 2008 жылғы 16 қыркүйектегі N 852 Қаулысымен

**Күші жойылды - Қазақстан Республикасы Үкіметінің 2008.09.16 N 852 ( колданысқа енгізілу тәртібін 4-тармақтан қараңыз) Қаулысымен.**

"Жауапкершілігі шектеулі және қосымша жауапкершілігі бар серіктестіктер туралы" Қазақстан Республикасының 1998 жылғы 22 сәуірдегі Z980220\_ Заңын орындау үшін Қазақстан Республикасының Үкіметі қаулы етеді:

1. Қоса беріліп отырған:

Жауапкершілігі шектеулі серіктестіктің үлгілік жарғысы;

Қосымша жауапкершілігі бар серіктестіктің үлгілік жарғысы бекітілсін.

2. "Шағын кәсіпкерлік субъектілері болып табылатын заңды тұлғалардың үлгілік жарғысы туралы" Қазақстан Республикасы Үкіметінің 1997 жылғы 29 қыркүйектегі N 1382 P971382\_ қаулысына мынадай өзгеріс енгізілсін:

"жауапкершілігі шектеулі серіктестік (3-қосымша);

қосымша жауапкершілігі бар серіктестік (4-қосымша)" деген жолдар алынып т а с т а л с ы н .

3. "Қазақстан Республикасы Үкіметінің 1997 жылғы 29 қыркүйектегі N 1382 қаулысына өзгеріс енгізу туралы" Қазақстан Республикасы Үкіметінің 1998 жылғы 9 сәуірдегі N 308 P980308\_ қаулысының күші жойылған деп танылсын.

Қ а з а қ с т а н Р е с п у б л и к а с ы н ы ң

Премьер-Министрі

Қ а з а қ с т а н Р е с п у б л и к а с ы

Ү к і м е т і н і ң

1998 жылғы 21

қыркүйектегі

N 928 қаулысына

1-қосымша

**Жауапкершілігі шектеулі серіктестіктің  
ҮЛГІЛІК ЖАРҒЫСЫ 1. Жалпы ережелер**

1.1. \_\_\_\_\_ жауапкершілігі шектеулі серіктестігі

(бұдан әрі - серіктестік) Қазақстан Республикасының заңдары бойынша заңды тұлға болып табылады.

1.2. Серіктестіктің құрылтайшылары (бұдан әрі - қатысушылар) мыналар болып табылады:

---

1.3. Серіктестіктің атауы: мемлекеттік тілде: \_\_\_\_\_

орыс тілінде \_\_\_\_\_

1.4. Серіктестіктің орналасқан жері: \_\_\_\_\_

1.5. Серіктестік қызметінің мерзімі \_\_\_\_\_

1.6. Серіктестік заң актілерімен және құрылтай шартымен тыйым салынбаған қызметтің кез келген түрін жүзеге асыра алады.

Тізбесі заң актілерінде айқындалатын қызметтің жекелеген түрлерімен серіктестік лицензияның негізінде айналыса алады.

## 2. Серіктестіктің заңдық мәртебесі

2.1. Серіктестік мемлекеттік тіркеуден өткен сәттен бастап заңды тұлға құқықтары иеленеді.

2.2. Серіктестіктің мөрі, дербес балансы, банктерде шоттары, өз атауы жазылған бланкілері болады.

2.3. Серіктестік өз қызметінің мақсатына жету үшін өз атынан мәмілелер жасасуға, мүліктік және жеке мүліктік емес құқықтарды иеленуге, міндеттер көтеруге, сотта талапкер және жауапкер болуға құқылы.

2.4. Серіктестік Қазақстан Республикасының аумағында және шетелде филиалдар мен өкілдіктер құруға, басқа заңды тұлғалармен бірлестіктерге (одақтарға) кіруге, сондай-ақ өзге де заңды тұлғалардың қатысушысы болуға құқылы.

2.5. Серіктестік өз міндеттемелері бойынша өзіне тиесілі барлық мүлікпен жауап береді. Мемлекет серіктестіктің борыштары бойынша жауап бермейді. Серіктестік мемлекеттің борыштары бойынша жауап бермейді. Серіктестік қолданылып жүрген заңдарда көзделгеннен басқа жағдайларда өз қатысушыларының міндеттемелері бойынша жауап бермейді.

2.6. Серіктестіктің қатысушылары оның міндеттемелері бойынша жауап бермейді және серіктестіктің қызметіне байланысты шығындар бойынша енгізген салымдар құнының шегінде тәуекелге барады.

2.7. Серіктестік қолданылып жүрген заңдарға сәйкес облигациялар шығаруға құқылы.

### **3. Серіктестік қатысушыларының құқықтары мен міндеттері**

3.1. Серіктестіктің қатысушылары:

1) осы жарғымен белгіленген тәртіп бойынша серіктестік істерін басқаруға қ а т ы с у ғ а ;

2) серіктестіктің қызметі туралы ақпарат алуға және оның құжаттамасымен т а н ы с у ғ а ;

3) серіктестіктің қызметінен табыс алуға;

4) серіктестік таратылған жағдайда кредиторлармен есеп айырысқаннан кейін қалған мүліктің бір бөлігінің құнын немесе серіктестіктің барлық қатысушыларының келісімі бойынша оның мүлкінің бір бөлігін заттай алуға;

5) өз үлесін иеліктен шығару жолымен серіктестікке қатысуды тоқтатуға қ ұ қ ы л ы .

3.2. Серіктестіктің қатысушылары:

1) құрылтай құжаттарының талаптарын сақтауға;

2) құрылтай құжаттарында көзделген тәртіп пен мөлшерде, тәсілдер мен мерзімдерде салымдар енгізуге;

3) серіктестік коммерциялық құпия деп жарияланған мәліметтерді жария е т п е у г е м і н д е т т і .

3.3. Серіктестік қатысушыларының заңдарда және құрылтай шартында көзделген басқа да құқықтары (міндеттері) болуы (көтеруі) мүмкін.

### **4. Серіктестіктің мүлкі**

4.1. Серіктестіктің жарғылық капиталы \_\_\_\_\_ теңгені құрайды.

4.2. Серіктестіктің жарғылық капиталына салынатын салымдар ақша, бағалы қағаздар, заттар, мүліктік құқықтар, оның ішінде жерді пайдалану құқығы мен интеллектуалдық қызмет нәтижелеріне құқық және өзге де мүлік болуы мүмкін.

Жеке мүліктік емес құқықтарды және өзге де материалдық емес игіліктерді салым ретінде енгізуге жол берілмейді.

4.3. Барлық қатысушылардың серіктестіктің мүлкіндегі үлестері олардың жарғылық капиталдағы салымдарына бара-бар болады және құрылтай шартында өзгеше көзделмесе, бүтіндегі бөліктер немесе процент түрінде белгіленеді.

4.4. Серіктестіктің қатысушысы салымның өзіне тиесілі бөлігін жарғылық капиталға бір жылдың ішінде енгізу жөніндегі өзінің міндеттемесін орындамаған жағдайда ол серіктестіктің шығынын өтеуге, сондай-ақ серіктестікке төленбеген бөлік сомасына тұрақсыздық айыбын төлеуге міндетті. Тұрақсыздық төлемінің мөлшері ақша міндеттемесі немесе оның тиісті бөлігі атқарылатын күнгі Қазақстан Республикасы Ұлттық Банкінің қайта қаржыландыру жөніндегі ресми ставкасына қарай есептеледі.

4.5. Серіктестіктің мүлкі қатысушылардың жарғылық капиталдағы бастапқы жарналарының, қосымша жарналарының, шаруашылық және кәсіпкерлік қызметтен түскен табыстардың, сондай-ақ серіктестіктің белгіленген тәртіппен сатып алған немесе алған қарыз қаражатының және басқа да мүлкінің есебінен құралады.

4.6. Қатысушылардың шешімі бойынша серіктестіктің жарғылық капиталының мөлшері өзгертілуі мүмкін.

Серіктестіктің жарғылық капиталын ұлғайту барлық қатысушылар енгізетін қосымша бара-бар салымдар жолымен, серіктестіктің өз капиталының есебінен, нақты құны олардың баланстық құнынан асатын таза активтерді қайта бағалаудың есебінен, барлық қалған қатысушылардың келісімі болған жағдайда бір немесе бірнеше қатысушының қосымша салымдар енгізуі, серіктестіктің құрамына жаңа қатысушыларды қабылдау жолымен жүзеге асырылады.

Серіктестіктің жарғылық капиталы серіктестіктің барлық қатысушыларының салымдарының мөлшерін бара-бар мөлшерде кеміту не жекелеген қатысушылардың үлестерін толық немесе ішінара өтеу жолымен азайтылады.

Серіктестіктің жарғылық капиталын ол мемлекеттік тіркеуге алынған сәттегі заңдарда белгіленген ең төменгі мөлшерден төмен азайтуға жол берілмейді.

## 5. Серіктестіктің органдары

5.1. Серіктестіктің жоғарғы органы оның қатысушыларының жалпы жиналысы болып табылады.

Серіктестік қатысушыларының жалпы жиналысының айрықша құзыретіне мыналар жатады:

1) серіктестіктің жарғылық капиталының мөлшерін, орналасқан жері мен фирмалық атауын өзгертуді немесе серіктестіктің жаңа редакциядағы жарғысын қоса алғанда, серіктестіктің жарғысын өзгерту;

2) серіктестіктің атқарушы органын құру және оның өкілеттігін мерзімінен бұрын тоқтату, сондай-ақ серіктестікті немесе оның мүлкін сенімді басқаруға

беру туралы шешім қабылдау және осылай берудің шарттарын айқындау;

3) серіктестіктің байқаушы кеңесін және (немесе) тексеру комиссиясын (тексерушісін) сайлау және олардың өкілеттіктерін мерзімінен бұрын тоқтату, сондай-ақ серіктестіктің тексеру комиссиясының (тексерушісінің) есептері мен қорытындыларын бекіту;

4) жылдық қаржылық есепті бекіту және таза табысты бөлу;

5) ішкі ережелерді, олардың қабылдану рәсімін және серіктестіктің ішкі қызметін реттейтін басқа да құжаттарды бекіту;

6) серіктестіктің өзге де шаруашылық серіктестіктерінде, сондай-ақ коммерциялық емес ұйымдарда қатысуы туралы шешім;

7) серіктестікті қайта ұйымдастыру немесе тарату туралы шешім;

8) тарату комиссиясын тағайындау және тарату балансын бекіту;

9) серіктестіктің қатысушысынан үлесті мәжбүрлеп сатып алу туралы шешім;

10) серіктестіктің барлық мүлкін кепілге беру туралы шешім;

11) серіктестіктің мүлкіне қосымша жарналар енгізу туралы шешім.

Қатысушылардың жалпы жиналысында шешім жалпы жиналысқа қатысушылардың және өкілдері арқылы білдірілгендердің жай көпшілік дауысымен, ал 1), 7), 9)-тармақшаларда көзделген мәселелер бойынша серіктестік қатысушыларының жиналысына қатысушылардың және өкілдері арқылы білдірілгендердің төрттен үшінің дауысымен және 10)-тармақша бойынша бірауыздан дауыс беру арқылы қабылданады. 9)-тармақшада көзделген мәселе бойынша шешім қабылданған кезде үлесі мәжбүрлеу тәртібімен сатылып алынатын қатысушы дауыс беруге қатыспайды және оған тиесілі дауыс саны санақ кезінде ескерілмейді. Серіктестіктің әрбір қатысушысы жалпы жиналыста өзінің серіктестіктің жарғылық капиталындағы үлесіне бара-бар дауыс санын иеленеді.

5.2. Жалпы жиналыс серіктестіктің қызметіне байланысты кез келген мәселені қарауға қабылдауға құқылы.

5.3. Атқарушы орган директор және (немесе) дирекция болып табылады, олар қатысушылардың жалпы жиналысына есеп береді және оның шешімдерінің орындалуын ұйымдастырады. Құрылтайшылар директорды тағайындаған кезде еңбек қатынастары еңбек заңдарына сәйкес реттеледі.

Дирекция \_\_\_\_\_ мүшеден тұрады. Дирекцияны директор басқарады. Шешімдер дирекция мүшелерінің көпшілік дауысымен қабылданады, дауыстар тең болған жағдайда директордың дауысы шешуші дауыс болып есептеледі.

5.4. Дирекция жалпы жиналыстың айрықша құзыретіне жатпайтын барлық мәселелер бойынша құзыретті, оның ішінде:

ағымдағы және болашақтағы жұмыс бағдарламаларының орындалуын

қ а м т а м а с ы з

е т е д і ;

қатысушылардың шешімдерінің дайындалуы мен орындалуын ұйымдастырады ;

серіктестіктің ақшалай қаражатын қоса алғанда, қатысушылар берген шекте оның мүлкіне билік жүргізеді ;

қатысушылар ұсынған және осы жарғымен белгіленген өкілеттіктер шегінде серіктестік қызметінің мәселелері бойынша мемлекеттік органдарды, соттарды қоса алғанда, ұйымдармен қарым-қатынастарда серіктестікті білдіреді ;  
өз құзыреті шегінде басқа да функцияларды орындайды.

5.5. Серіктестік директорының өкілеттіктері:

серіктестіктің атынан сенімхатсыз әрекет жасайды ;

серіктестіктің өкілі болу құқығына сенімхат, оның ішінде қайта сенім білдіру құқығымен сенімхаттар береді ;

серіктестіктің қызметкерлері жөнінде оларды қызметке тағайындау туралы, оларды ауыстыру және жұмыстан шығару туралы бұйрықтар шығарады, еңбекке ақы төлеу жүйесін белгілейді, лауазымдық жалақылар мен дербес үстеме ақылардың мөлшерін белгілейді, сыйлық беру мәселесін шешеді, көтермелеу шараларын қабылдайды және тәртіптік жазалар береді ;

қатысушылардың жалпы жиналысының айрықша құзыретіне немесе байқаушы органдардың құзыретіне жатқызылмаған өзге де өкілеттіктерді жүзеге асырады .

5.6. Серіктестік өз қызметінің нәтижелеріне бухгалтерлік есеп жүргізеді, Қазақстан Республикасында қолданылып жүрген ережелерге сәйкес статистикалық және қаржылық есептілікті жүргізеді.

Серіктестік есеп пен есеп берудің сенімділігі және жүргізу тәртібінің сақталмағаны үшін заңдарға сәйкес жауап береді.

5.7. Байқаушы кеңес құрылған жағдайда жалпы жиналыс оның құзыретін белгілейді, оған мынадай мәселелер кіреді:

1. \_\_\_\_\_
2. \_\_\_\_\_
3. \_\_\_\_\_

5.8. Байқаушы кеңес \_\_\_\_\_ мүшеден тұрады. Байқаушы кеңестің мүшелері бес жылдан аспайтын мерзімге сайланады. Байқаушы кеңестің мүшесі сонымен бір мезгілде серіктестіктің атқарушы органының мүшесі бола алмайды. Байқаушы кеңес қарайтын мәселелер бойынша шешім байқаушы кеңес мүшелерінің көпшілік дауысымен қабылданады.

5.9. Серіктестікте атқарушы органның қаржы-шаруашылық қызметін бақылауды жүзеге асыру үшін тексеру комиссиясы құрылуы немесе тексеруші сайлануы мүмкін .

Егер серіктестікте тексеру комиссиясы құрылмаса (тексеруші сайланбаса), онда тексеру комиссиясының заңдарда белгіленген барлық өкілеттіктерін серіктестіктің байқаушы кеңесі иеленеді.

5.10. Тексеру комиссиясы (тексеруші) серіктестік қатысушыларының және (немесе) олардың өкілдерінің арасынан жалпы жиналыста сайланады.

Серіктестіктің атқарушы органдарының мүшелері тексеру комиссиясының мүшелері бола алмайды.

5.11. Тексеру комиссиясының (тексерушінің) жұмыс тәртібі ішкі қызметті реттейтін ережелермен және өзге де құжаттармен белгіленеді.

5.12. Тексерулер жүргізу үшін сырттан аудитор қатыстырылуы мүмкін.

## **6. Серіктестіктің таза табысын бөлу**

6.1. Серіктестіктің оның жыл ішіндегі қызметінің нәтижелері бойынша алған таза пайдасы серіктестікке қатысушылардың серіктестіктің тиісті жылдағы қызметінің нәтижелеріне арналған кезекті жалпы жиналысының шешіміне сәйкес бөлінеді.

Жалпы жиналыс таза табысты немесе оның бір бөлігін серіктестіктің қатысушылары арасында бөлуден шығарып тастау туралы шешім қабылдауға құқылы.

6.2. Серіктестікте резерв қоры құрылған жағдайда серіктестіктің ықтимал шығындары осы қордың есебінен жабылады. Резерв қорының қаражаты жетіспеген кезде немесе резерв қоры болмаған жағдайда шығындарды жабудың көздері туралы шешімді қатысушылардың жалпы жиналысы қабылдайды.

6.3. Серіктестік қатысушыларының қай-қайсысын болмасын таза табысты бөлуге қатысудан шеттеткен келісімдер жарамсыз болып табылады.

## **7. Серіктестіктің еңбек ұжымы**

7.1. Директор жалдау туралы келісім-шарттардың, сондай-ақ еңбек қатынастарын реттейтін басқа да нысандардың негізінде қызметкерлерді жалдауға құқылы.

7.2. Серіктестік қызметкерлерге Қазақстан Республикасының заңдарында белгіленген барлық әлеуметтік-экономикалық құқықтарының берілуін кепілдендіреді.

7.3. Әрбір қызметкердің еңбек табысының ең жоғарғы мөлшеріне шек

қойылмайды және белгіленген ережелерге сәйкес салықтар салынады.

7.4. Серіктестік еңбекке ақы төлеудің нысандары мен жүйесін өз бетінше белгілейді, еңбек келісім-шарттарында тарифтік ставкалар мен лауазымдық жалақылардың мөлшерін белгілейді, бұл ретте мемлекеттік тарифтерді тиісті біліктілігі бар қызметкерлер мен мамандардың еңбегіне ақы төлеудің ең төменгі кепілі ретінде қарастырады.

7.5. Серіктестіктің қызметкерлері міндетті әлеуметтік сақтандыруға жатады.

7.6. Серіктестік барлық жұмыс істеушілерді қауіпсіз еңбек жағдайларымен қамтамасыз етуге міндетті және олардың денсаулығы мен еңбек қабілетіне келтірілген залал үшін заңдарда белгіленген тәртіппен жауап береді.

## **8. Серіктестіктің қызметін тоқтату**

8.1. Серіктестіктің қызметін тоқтату жалпы жиналыстың немесе соттың шешімі бойынша қайта ұйымдастыру немесе тарату жолымен жүзеге асырылады.

8.2. Серіктестік өзінің қызметін мынадай негіздер бойынша тоқтатады:

1) егер серіктестік қатысушыларының саны елуден асса;  
2) егер жарғылық капиталды азайтудың нәтижесінде оның мөлшері ең төменгі мөлшерден кем болса;

3) егер қатысушылар заңдарда және құрылтай шартымен белгіленген мерзімде серіктестіктің жарғылық капиталын құрмаса;

4) банкрот болғанда;

5) серіктестікті құру кезінде заңдардың түзеуге келмейтіндей дәрежеде бұрмалануына жол берілуіне байланысты серіктестіктің тіркелуі жарамсыз деп танылған кезде;

6) қызметті тиісті рұқсатсыз (лицензиясыз), не заң актілерінде тыйым салынған қызметті, не заңдарды бірнеше рет немесе өрескел бұза отырып жүзеге асырған кезде;

7) қайта ұйымдастырылған кезде;

8) заң актілерінде көзделген өзге де негіздер болған кезде.

8.3. Серіктестікті қайта ұйымдастыру (біріктіру, қосу, бөлу, бөліп шығару, қайта құру) заңдарда көзделген тәртіппен жүргізіледі.

8.4. Серіктестікті таратуды жалпы жиналыс немесе сот тағайындайтын тарату комиссиясы жүргізеді. Тарату комиссиясы тағайындалған сәттен бастап оған серіктестік ісін басқару жөніндегі өкілеттіктер көшеді.

8.5. Тарату қолданылып жүрген заңдарда көзделген тәртіппен жүзеге



а с ы р ы л а д ы .

8.6. Заңды тұлғалардың бірыңғай мемлекеттік тізіліміне тарату туралы жазба жазылған сәттен бастап тарату аяқталды, ал серіктестік өз қызметін тоқтатты деп есептеледі.

Серіктестіктің құрылтайшылары:

\_\_\_\_\_

Қазақстан Республикасы

Үкіметінің

1998 жылғы 21 қыркүйектегі

№ 928 қаулысына

2-қосымша

**Қосымша жауапкершілігі бар серіктестіктің**

**ҮЛГІЛІК ЖАРҒЫСЫ 1. Жалпы ережелер**

1.1. \_\_\_\_\_

\_\_\_\_\_ қосымша жауапкершілігі бар серіктестігі (бұдан әрі - серіктестік) Қазақстан Республикасының заңдары бойынша заңды тұлға болып табылады.

1.2. Серіктестіктің құрылтайшылары (бұдан әрі - қатысушылар) мыналар болып табылады:

\_\_\_\_\_

1.3. Серіктестіктің атауы:

мемлекеттік тілде: \_\_\_\_\_

орыс тілінде \_\_\_\_\_

1.4. Серіктестіктің орналасқан жері: \_\_\_\_\_

1.5. Серіктестік қызметінің мерзімі \_\_\_\_\_

1.6. Серіктестік заң актілерімен және құрылтай шартымен тыйым салынбаған қызметтің кез келген түрін жүзеге асыра алады.

Тізбесі заң актілерінде айқындалатын қызметтің жекелеген түрлерімен серіктестік лицензияның негізінде айналысқа алады.

## **2. Серіктестіктің заңдық мәртебесі**

2.1. Серіктестік мемлекеттік тіркеуден өткен сәттен бастап заңды тұлға құқықтарын иеленеді.

2.2. Серіктестіктің мөрі, дербес балансы, банктерде шоттары, өз атауы жазылған бланкілері болады.

2.3. Серіктестік өз қызметінің мақсатына жету үшін өз атынан мәмілелер жасасуға, мүліктік және жеке мүліктік емес құқықтарды иеленуге, міндеттер көтеруге, сотта талапкер және жауапкер болуға құқылы.

2.4. Серіктестік Қазақстан Республикасының аумағында және шетелде филиалдар мен өкілдіктер құруға, басқа заңды тұлғалармен бірлестіктерге (одақтарға) кіруге, сондай-ақ өзге де заңды тұлғалардың қатысушысы болуға құқылы.

2.5. Серіктестік өз міндеттемелері бойынша өзіне тиесілі барлық мүлікпен жауап береді. Мемлекет серіктестіктің борыштары бойынша жауап бермейді. Серіктестік мемлекеттің борыштары бойынша жауап бермейді. Серіктестік қолданылып жүрген заңдарда көзделгеннен басқа жағдайларда өз қатысушыларының міндеттемелері бойынша жауап бермейді.

2.6. Серіктестіктің қатысушылары оның міндеттемелері бойынша жарғылық капиталдағы өз салымдарымен жауап береді, ал бұл сомалар жетіспеген жағдайда - енгізген салымдарына еселі мөлшерде қосымша өздеріне тиесілі мүлікпен жауап береді.

Қатысушылардың жауапкершілігінің шекті мөлшері олардың жарғылық капиталдағы үлестерінің \_\_\_\_\_ есесіндей болады.

Мүлік жетіспеген жағдайда, сондай-ақ серіктестік қатысушыларының бірі банкрот болған жағдайда оның серіктестіктің міндеттемелері бойынша жауапкершілігі қалған қатысушылардың арасында олардың серіктестіктің жарғылық капиталындағы салымдарына бара-бар мөлшерде бөлінеді.

2.7. Серіктестік қолданылып жүрген заңдарға сәйкес облигациялар шығаруға құқылы.

## **3. Серіктестік қатысушыларының құқықтары мен міндеттері**

3.1. Серіктестіктің қатысушылары:

1) осы жарғымен белгіленген тәртіп бойынша серіктестік істерін басқаруға қатысуға ;

2) серіктестіктің қызметі туралы ақпарат алуға және оның құжаттамасымен танысуға ;

- 3) серіктестіктің қызметінен табыс алуға;
  - 4) серіктестік таратылған жағдайда кредиторлармен есеп айырысқаннан кейін қалған мүліктің бір бөлігінің құнын немесе серіктестіктің барлық қатысушыларының келісімі бойынша оның мүлкінің бір бөлігін заттай алуға;
  - 5) өз үлесін иеліктен шығару жолымен серіктестікке қатысуды тоқтатуға
- қ ұ қ ы л ы .

### 3.2. Серіктестіктің қатысушылары:

- 1) құрылтай құжаттарының талаптарын сақтауға;
- 2) құрылтай құжаттарында көзделген тәртіп пен мөлшерде, тәсілдер мен мерзімдерде салымдар енгізуге;
- 3) серіктестік коммерциялық құпия деп жарияланған мәліметтерді жария е т п е у г е м і н д е т т і .

3.3. Серіктестік қатысушыларының заңдарда және құрылтай шартында көзделген басқа да құқықтары (міндеттерде) болуы (көтеруі) мүмкін.

## 4. Серіктестің мүлкі

4.1. Серіктестіктің жарғылық капиталы \_\_\_\_\_ теңгені құрайды.

4.2. Серіктестіктің жарғылық капиталына салынатын салымдар ақша, бағалы қағаздар, заттар, мүліктік құқықтар, оның ішінде жерді пайдалану құқығы мен интеллектуалдық қызмет нәтижелеріне құқық және өзге де мүлік болуы мүмкін.

Жеке мүліктік емес құқықтарды және өзге де материалдық емес игіліктерді салым ретінде енгізуге жол берілмейді.

4.3. Барлық қатысушылардың серіктестіктің мүлкіндегі үлестері олардың жарғылық капиталдағы салымдарына бара-бар болады және құрылтай шартында өзгеше көзделмесе, бүтіндегі бөлік немесе процент түрінде белгіленеді.

4.4. Серіктестіктің қатысушысы салымның өзіне тиесілі бөлігін жарғылық капиталға бір жылдың ішінде енгізу жөніндегі өзінің міндеттемесін орындамаған жағдайда ол серіктестіктің шығынын өтеуге, сондай-ақ серіктестікке төленбеген бөлік сомасына тұрақсыздық айыбын төлеуге міндетті. Тұрақсыздық төлемінің мөлшері ақша міндеттемесі немесе оның тиісті бөлігі атқарылатын күнгі Қазақстан Республикасы Ұлттық Банкінің қайта қаржыландыру жөніндегі ресми ставкасына қарай есептеледі.

4.5. Серіктестіктің мүлкі қатысушылардың жарғылық капиталдағы бастапқы жарналарының, қосымша жарналарының, шаруашылық және кәсіпкерлік қызметтен түскен табыстардың, сондай-ақ серіктестіктің белгіленген тәртіппен сатып алған немесе алған қарыз қаражатының және басқа да мүлкінің есебінен құралады.

4.6. Қатысушылардың шешімі бойынша серіктестіктің жарғылық капиталының мөлшері өзгертілуі мүмкін.

Серіктестіктің жарғылық капиталын ұлғайту барлық қатысушылар енгізетін қосымша бара-бар салымдар жолымен, серіктестіктің өз капиталының есебінен, нақты құны олардың баланстық құнынан асатын таза активтерді қайта бағалаудың есебінен, барлық қалған қатысушылардың келісімі болған жағдайда бір немесе бірнеше қатысушының қосымша салымдар енгізуі, серіктестіктің құрамына жаңа қатысушыларды қабылдау жолымен жүзеге асырылады.

Серіктестіктің жарғылық капиталы серіктестіктің барлық қатысушыларының салымдарының мөлшерін бара-бар мөлшерде кеміту не жекелеген қатысушылардың үлестерін толық немесе ішінара өтеу жолымен азайтылады.

Серіктестіктің жарғылық капиталын ол мемлекеттік тіркеуге алынған сәттегі заңдарда белгіленген ең төменгі мөлшерден төмен азайтуға жол берілмейді.

## 5. Серіктестіктің органдары

5.1. Серіктестіктің жоғарғы органы оның қатысушыларының жалпы жиналысы болып табылады.

Серіктестік қатысушыларының жалпы жиналысының айрықша құзыретіне мыналар жатады:

- 1) серіктестіктің жарғылық капиталының мөлшерін, орналасқан жері мен фирмалық атауын өзгертуді немесе серіктестіктің жаңа редакциядағы жарғысын қоса алғанда, серіктестіктің жарғысын өзгерту;
- 2) серіктестіктің атқарушы органын құру және оның өкілеттігін мерзімінен бұрын тоқтату, сондай-ақ серіктестікті немесе оның мүлкін сенімді басқаруға беру туралы шешім қабылдау және осылай берудің шарттарын айқындау;
- 3) серіктестіктің байқаушы кеңесін және (немесе) тексеру комиссиясын (тексерушісін) сайлау және олардың өкілеттіктерін мерзімінен бұрын тоқтату, сондай-ақ серіктестіктің тексеру комиссиясының (тексерушісінің) есептері мен қорытындыларын бекіту;
- 4) жылдық қаржылық есепті бекіту және таза табысты бөлу;
- 5) ішкі ережелерді, олардың қабылдану рәсімін және серіктестіктің ішкі қызметін реттейтін басқа да құжаттарды бекіту;
- 6) серіктестіктің өзге де шаруашылық серіктестіктерінде, сондай-ақ коммерциялық емес ұйымдарда қатысуы туралы шешім;
- 7) серіктестікті қайта ұйымдастыру немесе тарату туралы шешім;
- 8) тарату комиссиясын тағайындау және тарату балансын бекіту;

9) серіктестіктің қатысушыларынан үлесті мәжбүрлеп сатып алу туралы ш е ш і м ;

10) серіктестіктің барлық мүлкін кепілге беру туралы шешім;

11) серіктестіктің мүлкіне қосымша жарналар енгізу туралы шешім.

Қатысушылардың жалпы жиналысында шешім жалпы жиналысқа қатысушылардың және өкілдері арқылы білдірілгендердің көпшілік дауысымен, ал 1), 7), 9)-тармақшаларда көзделген мәселелер бойынша серіктестік қатысушыларының жиналысына қатысушылардың және өкілдері арқылы білдірілгендердің төрттен үшіннің дауысымен және 10)-тармақша бойынша бірауыздан дауыс беру арқылы қабылданады. 9)-тармақшада көзделген мәселе бойынша шешім қабылданған кезде үлесі мәжбүрлеу тәртібімен сатылып алынатын қатысушы дауыс беруге қатыспайды және оған тиесілі дауыс саны санақ кезінде ескерілмейді. Серіктестіктің әрбір қатысушысы жалпы жиналыста өзінің серіктестіктің жарғылық капиталындағы үлесіне бара-бар дауыс санын и е л е н е д і .

5.2. Жалпы жиналыс серіктестіктің қызметіне байланысты кез келген мәселені қарауға қабылдауға құқылы.

5.3. Атқарушы орган директор және (немесе) дирекция болып табылады, олар қатысушылардың жалпы жиналысына есеп береді және оның шешімдерінің орындалуын ұйымдастырады. Құрылтайшылар директорды тағайындаған кезде еңбек қатынастары еңбек заңдарына сәйкес реттеледі.

Дирекция \_\_\_\_\_ мүшеден тұрады. Дирекцияны директор басқарады. Шешімдер дирекция мүшелерінің көпшілік дауысымен қабылданады, дауыстар тең болған жағдайда директордың дауысы шешуші дауыс болып есептеледі.

5.4. Дирекция жалпы жиналыстың айрықша құзыретіне жатпайтын барлық мәселелер бойынша құзыретті, оның ішінде:

ағымдағы және болашақтағы жұмыс бағдарламаларының орындалуын қ а м т а м а с ы з е т е д і ;

қатысушылардың шешімдерінің дайындалуы мен орындалуын ұ й ы м д а с т ы р а д ы ;

серіктестіктің ақшалай қаражатын қоса алғанда, қатысушылар берген шекте оның мүлкіне билік етеді;

қатысушылар ұсынған және осы жарғымен белгіленген өкілеттіктер шегінде серіктестік қызметінің мәселелері бойынша мемлекеттік органдарды, соттарды қоса алғанда, ұйымдармен қарым-қатынаста серіктестікті білдіреді; өз құзыреті шегінде басқа да міндеттерді орындайды.

5.5. Серіктестік директорының өкілеттіктері: серіктестіктің атынан сенімхатсыз әрекет жасайды; серіктестіктің өкілі болу құқығына сенімхат, оның ішінде қайта сенім білдіру

құқығымен сенімхаттар береді;

серіктестіктің қызметкерлері жөнінде оларды қызметке тағайындау туралы, оларды ауыстыру және жұмыстан шығару туралы бұйрықтар шығарады, еңбекке ақы төлеу жүйесін белгілейді, лауазымдық жалақылар мен дербес үстеме ақылардың мөлшерін белгілейді, сыйлық беру мәселесін шешеді, көтермелеу шараларын қабылдайды және тәртіптік жазалар береді;

қатысушылардың жалпы жиналысының айрықша құзыретіне немесе байқаушы органдардың құзыретіне жатқызылмаған өзге де өкілеттіктерді жүзеге асырады.

5.6. Серіктестік өз қызметінің нәтижелеріне бухгалтерлік есеп жүргізеді, Қазақстан Республикасында қолданылып жүрген ережелерге сәйкес статистикалық және қаржылық есептілікті жүргізеді.

Серіктестік есеп пен есеп берудің сенімділігі және жүргізу тәртібінің сақталмағаны үшін заңдарға сәйкес жауап береді.

5.7. Байқаушы кеңес құрылған жағдайда жалпы жиналыс оның құзыретін белгілейді, оған мынадай мәселелер кіреді:

1. \_\_\_\_\_
2. \_\_\_\_\_
3. \_\_\_\_\_

5.8. Байқаушы кеңес \_\_\_\_\_ мүшеден тұрады. Байқаушы кеңестің мүшелері бес жылдан аспайтын мерзімге сайланады. Байқаушы кеңестің мүшесі сонымен бір мезгілде серіктестіктің атқарушы органының мүшесі бола алмайды. Байқаушы кеңес қарайтын мәселелер бойынша шешім байқаушы кеңес мүшелерінің көпшілік дауысымен қабылданады.

5.9. Серіктестікте атқарушы органның қаржы-шаруашылық қызметін бақылауды жүзеге асыру үшін тексеру комиссиясы құрылуы немесе тексеруші сайлануы мүмкін.

Егер серіктестікте тексеру комиссиясы құрылмаса (тексеруші сайланбаса), онда тексеру комиссиясының заңдарда белгіленген барлық өкілеттіктерін серіктестіктің байқаушы кеңесі иеленеді.

5.10. Тексеру комиссиясы (тексеруші) серіктестік қатысушыларының және (немесе) олардың өкілдерінің арасынан жалпы жиналыста сайланады.

Серіктестіктің атқарушы органдарының мүшелері тексеру комиссиясының мүшелері бола алмайды.

5.11. Тексеру комиссиясының (тексерушінің) жұмыс тәртібі ішкі қызметті реттейтін ережелермен және өзге де құжаттармен белгіленеді.

5.12. Тексерулер жүргізу үшін сырттан аудитор қатыстырылуы мүмкін.

## **6. Серіктестіктің таза табысын бөлу**

6.1. Серіктестіктің бюджетпен қарым-қатынастар жөніндегі сомалары және серіктестіктің қорларын құруға және толықтыруға бағытталған сомалары шығарылып тасталғаннан кейінгі табысы, егер серіктестіктің құрылтай шартында өзгеше көзделмесе, қатысушылар арасында олардың серіктестіктің жарғылық капиталындағы салымдарына бара-бар мөлшерде бөлінеді.

6.2. Серіктестікте резерв қоры құрылған жағдайда серіктестіктің ықтимал шығындары осы қордың есебінен жабылады. Резерв қорының қаражаты жетіспеген кезде немесе резерв қоры болмаған жағдайда шығындарды жабудың көздері туралы шешімді қатысушылардың жалпы жиналысы қабылдайды.

6.3. Серіктестік қатысушыларының қай-қайсысын болмасын таза табысты бөлуге қатысудан шеттеткен келісімдер жарамсыз болып табылады.

## **7. Серіктестіктің еңбек ұжымы**

7.1. Директор жалдау туралы келісім-шарттардың, сондай-ақ еңбек қатынастарын реттейтін басқа да нысандардың негізінде қызметкерлерді жалдауға құқылы.

7.2. Серіктестік қызметкерлерге Қазақстан Республикасының заңдарында белгіленген барлық әлеуметтік-экономикалық құқықтарының берілуін кепілдендіреді.

7.3. Әрбір қызметкердің еңбек табысының ең жоғарғы мөлшеріне шек қойылмайды және белгіленген ережелерге сәйкес салықтар салынады.

7.4. Серіктестік еңбекке ақы төлеудің нысандары мен жүйесін өз бетінше белгілейді, еңбек келісім-шарттарында тарифтік ставкалар мен лауазымдық жалақылардың мөлшерін белгілейді, бұл ретте мемлекеттік тарифтерді тиісті біліктілігі бар қызметкерлер мен мамандардың еңбегіне ақы төлеудің ең төменгі кепілі ретінде қарастырады.

7.5. Серіктестіктің қызметкерлері міндетті әлеуметтік сақтандыруға жатады.

7.6. Серіктестік барлық жұмыс істеушілерді қауіпсіз еңбек жағдайларымен қамтамасыз етуге міндетті және олардың денсаулығы мен еңбек ету қабілетіне келтірілген залал үшін заңдарда белгіленген тәртіппен жауап береді.

## 8. Серіктестіктің қызметін тоқтату

8.1. Серіктестіктің қызметін тоқтату жалпы жиналыстың немесе соттың шешімі бойынша қайта ұйымдастыру немесе тарату жолымен жүзеге асырылады.

8.2. Серіктестік өзінің қызметін мынадай негіздер бойынша тоқтатады:

1) егер серіктестік қатысушыларының саны елуден асса;  
2) егер жарғылық капиталды азайтудың нәтижесінде оның мөлшері ең төменгі мөлшерден кем болса;

3) егер қатысушылар заңдарда және құрылтай шартында белгіленген мерзімде серіктестіктің жарғылық капиталын құрмаса;

4) банкрот болғанда;

5) серіктестікті құру кезінде заңдардың түзеуге келмейтіндей дәрежеде бұрмалануына жол берілуіне байланысты серіктестіктің тіркелуі жарамсыз деп танылған кезде;

6) қызметті тиісті рұқсатсыз (лицензиясыз), не заң актілерінде тыйым салынған қызметті, не заңдарды бірнеше рет немесе өрескел бұза отырып жүзеге асырған кезде;

7) қайта ұйымдастырылған кезде;

8) заң актілерінде көзделген өзге де негіздер болған кезде.

8.3. Серіктестікті қайта ұйымдастыру (біріктіру, қосу, бөлу, бөліп шығару, қайта құру) заңдарда көзделген тәртіппен жүргізіледі.

8.4. Серіктестікті таратуды жалпы жиналыс немесе сот тағайындайтын тарату комиссиясы жүргізеді. Тарату комиссиясы тағайындалған сәттен бастап оған серіктестік ісін басқару жөніндегі өкілеттіктер көшеді.

8.5. Тарату қолданылып жүрген заңдарда көзделген тәртіппен жүзеге асырылады.

8.6. Заңды тұлғалардың бірыңғай мемлекеттік тізіліміне тарату туралы жазба жазылған сәттен бастап тарату аяқталды, ал серіктестік өз қызметін тоқтатты деп есептеледі.

Серіктестіктің құрылтайшылары:

\_\_\_\_\_

\_\_\_\_\_

\_\_\_\_\_